

خروجه الى المجالس العامة ويلزمك ان تنبهها على ما يلزم من هذا القبيل فانها ابنا ولحك وانسانان مثلك والدين لا يمنعك من نصيح غيرك وارشاده فيلزمك ان تحافظ على دواعي الالفة ما دمت في المجالس العامة فاذا جاء وقت العبادة ذهبت الى المسجد وذهب كل الى الكنيسة وبعد العبادة تعودون لتناول اشغالكم بلا تنافر ولا اضرار فان الحقوق المدنية تقضي عليك بامور كثيرة سابقتها لك في الدرس الآتي ان شاء الله تعالى

مدرسة البنات

حفصه وبتها سلى

ح . انا شايفاك بتغسلي هدوم اخواتك وياهدوم ابوك انت ما تعرفيش ان هدوم اخواتك نجسة ولما تحطيمهم في الميه ينجسوها وينجسوا الطشت . س . أمال اعمل ازاي . ح . تمسكي هدوم ابوك تغسليها لوحدها وكل ما تغسلي فم تحطي الميه في طشت تاني لاجل تغسلي فيها هدوم العيال وان ما كنشي عندك الاطشت واحد تغسلي هدوم ابوك فم وتطلمعيهم وتحطيمهم في جنب وتجيبي هدوم اخواتك تغسليهم في الغسالة وبعدها تشاهدي ايدك بشوية ميه وتميلي الطشت وتصبي عليه كوز ميه تشاهديه به احسن اذا ما عملتيش كده تنجسي الطشت وكل ما تحطي فيه ميه تنجس وتنجسي هدوم ابوك وتبقي عبادته بطاله وذنبه في رقتنا . وقبل ما تنشري هدوم ابوك تشاهديهم فم تخلي الهدمه في ايد والكوز في ايد وتصبي عليها وهيا بعيده عن الطشت والا ان كان عندك حنفية ميه تمسكي الهدمه تحتها

لما تجري اليه عليها وتعصرها وعند ما تنشرها تمسحها بحبل الغسيل احسن
 يكون عليه تراب يعوص الهدوم او عليه وسخ عصافير ينجسها ويوسخها وبعد
 ما ينشفوا ان كان عندك جندرة تجندريهم طيب ولا تتكيش عليهم بالجندره
 احسن تدويهم قوام وتصبري عليهم لما يتهووا بعد الجندره وتشليهم احسن
 ما تحطيمهم وهما طريين يعفوا من الرطوبه وتبقى ربحتم وحشه . وان كان
 عندك هدوم مصبوغه حطيم لوحدهم وحطي الهدوم البيض لوحدهم احسن
 يمكن تنفع عليهم الصباغه . وتخلي هدوم جوزك الجوخ ولا الحرير على
 طولها يا في صندوق طويل يا في الدولاب احسن تتكسر ويمشي بها
 وهيا متنيه في وسط الناس وان كان افندي بعد ما تغسل القمصان
 تكويهم وتحطيم في حاجه نضيفه وتشليهم . وعند ما يقلع جوزك هدومه
 تنفضهم حالا وتمسحهم بالفرشه وان كان فيهم بقعة ولا حاجه تمسحها حالا
 وان لقيت فيهم شرط ولا فتق تخيطيه ولا تشليهم شي الا وهما اربعة وعشرين
 قيراط وان كان جوزك جاي لحاجه وطالع برضه قبل ما يطلع تنفضي هدومه
 وتمسحهم وهو لابسهم ولا تخلشي يطلع من عندك الا وهو ازي الشامه
 وان كان المنديل وسخ تغيريه له ولا تخلشي يقول لك هات منديل او
 غيري لي قميص . انت اللي عملي دا كله من عقلك خليه يجبك
 ويمحطك في عينه زي الكحل لما يشوفك نضيفه وملفته له في كل حاجه
 . س . وحنونه يلزمها دا كله ولا ما يلزمهاش على شان اقول لها تبقى عارفه
 الواجب عليها للراجل . ح . شوفي يا سلى يا بنتي كل اللي اعلمه لك من امور
 البيت وترتيبه والواجب عليك للراجل واللازم لأولادك واللازم للبسك

وفرشك يلزم تعليمه لحنونه فانها زيبا زيڪ بس نفارق بالدين انت مسلمه
وهيا نصرانيه فاللي اعلمه لك من امور دينك اعرفيه لوحدك وهيا
اهيا بتعلم امور دينها من القسيس وامها كان بتعلمها على قد ما تعرف
س . بقى يلزم تظهر هدم جوزها زينا . ح . هيا ما هياش رايحه تغسل هدم
جوزها اهو يلزمها تنضفها طيب فان الغسيل ما في شي نصرانيه ومسلمه دا واجب على
كل واحد ينضف نفسه وان كانت عندنا الحاجه تبقى نجسه وعندهم ما هياش نجسه
كل حي ودينه واما النضافه دي عموميه يا بنتي . س . بس لما نقعد نتحدث
ويا بعض هيا تحلف بالعدره وانا احلف بالنبي اقوم انفاظ منها . ح . نناظي ليه
يا حبيبتى ما هو دينها كده وكل انسان يحلف على قد دينه يعني انت يا سلى
تعرفى النبي بتاعنا . س . امال موش ابويا قال لي اسمه سيدنا محمد ابن عبد الله
. ح . لما اعلمك كان النبي عربي وانولد في مكه وهاجر منها الى المدينه
المنوره ومقامه فيها يزوره الحجاج وهو اللي نزل عليه القرآن واللي علمنا
الصلاه والصوم والزكاه والحج وامور ديننا وعمره ما كذب كذبه ولا خان في
حاجه ولا خبي عنا حاجه قال له عليها ربنا وكان فصيح جميل
يعاشر كل انسان على قد حاله عمر العيبه ما تطلع من حنكه فقد طول
عمره يعلم الناس النضافه والظرافه والامور الطيبه ولما كان يحارب ما كان
حد يغلبه وكان يقعد يعلم النسوان والصغار والعبيد وياكل ويا الخدامين
والعبيد والفقرا والناس العيانيين وما كان يخلي فلوس ولا ذهب ولا فضه
الا لما يفرقها على الناس ولا يخلي في بيته حاجه لانه ما كان شي عاوز من
الدنيا حاجه بس عاوز الناس نتعلم وتعرف ربها وترجع عن الامور البطاله

ويمشي كل واحد في حاله لا حد يؤذي رفيقه ولا جار يطلع لجارته ولا صاحب يخون صاحبه ويبطلوا السرقة والقتل والفلت ويسيروا زي الاخوات حتى النصارى اللي كانوا يجوله ما كان يؤذي حد منهم ولا يعيب عليهم وكان يكلمهم باللسان الخلو والكلام الطيب وينبه على الناس ما حدش يؤذيهم وكان جميل عيونه سود لا هو طويل ولا هو قصير ولا نحيف ولا سمين يتبسّم ولا يهاشى وكان يستحي من كل انسان واذا قعدوا النسوان في مجلسه ما يشيل عينه في واحده منهم وعلى شان يعلم الناس الامور الكويسه كان يحلب النعجه بايده الشريفه ويساعد الخدامه ويخيط مركوبه بايده ويمجيب حاجته من السوق بايده وشويه في بقي لما بقي سيدنا جبريل بخدمه وهو يخدم نفسه واهل بيته هو رابع بقي احسن من كدا ولا طبع الطف من كده خليكي عارفه صفات نبيك واوعي تنسيها احسن الواحده منا ان ما كانشي لها دين يلعب بها الشيطان في كل حاجه وان كان حد يجيب سيرة الانبيا التانيين قدامك اوعي تعيبي في واحد منهم احسن كلهم خيرنا وبركتنا واسيادنا . يوم من دول نقول لك حنونه سيدنا عيسى تقومي تعيبي فيه بكلمة تكفري احسن دا نبي عندنا زي سيدنا محمد وربنا نزل عليه كتاب اسمه الانجيل وكان مشبه زي مشي النبي بتاعنا وكان لطيف يخاطب الناس باللي يعرفوه ويلاطفهم كتير قوي وعمره ما شتم حد ولا عمل حاجه تغضب ربنا ولحد ما رفعه ربنا للسما ما بطل الوعظ في الناس ولا نصيحتهم ولا رجع عن تعليمهم الامور الطيبه فاللي يعيب فيه منا يا مسلمين يكفر . س . واذا كانت حنونه تعيب في

النبي بتاعنا تكفر . ح . بقى شوفي احنا عندنا كل الانبياء على حق واللى
 يعيب في واحد منهم يكفر آهو سيدنا محمد زي سيدنا عيسى زي سيدنا
 موسى زي سيدنا ابراهيم زي غيره من الانبياء ونؤمن بهم كلهم وهما بشقه
 اليهود يا آمنوا بسيدنا موسى ولا يا آمنوش بسيدنا عيسى ولا سيدنا محمد
 والنصارى يا آمنوا بسيدنا عيسى ولا يا آمنوش بسيدنا محمد آهو يا بنتي كل
 انسان على دينه وليه انت تعيبي في دينها ولا هيا تعيب في دينك لا انت
 رايحه تبقي نصرانية ولا هيا رايحه تبقي مسلمة وبس تخسروا بعض وتصيروا
 اعادي على قلة فابده خليكى انت زي ما اعلمك وتملي اتكلموا في الخياطة
 وشغل الابره والمنسج وحاجة البيت ولا تتكلموش في الديانة وربنا يهديك
 يا بنتي ويطعمك . روجي افتحى عينك وخليك ويا رفاقك البنات بالادب
 والحشمة احسن دا الكمال ما فيش احسن منه

— * —

اللاكي السنيه في الاصول الحسابيه

هو كتاب نفيس في علم الحساب وضعه الفاضل الماهر محمد افندي
 شكري معلم الرياضة بالمدارس الاهليه وهو جزآن انتهى طبع الجزء الاول
 منه فبلغ ٢١٦ صحيفه والثاني جار طبعه وهو كتاب جليل في بابه وضعه
 حضرة المؤلف وضعاً جميلاً معني به لا يستغني عنه تلميذ وقد جعل ثمنه
 ٥ اقرشاً صاغا وهو يباع بطرف مؤلفه باسكندرية وبادارة جريدة مرقى النجاح
 الغراو باشهر كتيبات البيع فعلى من اشتغل بتعلم الحساب الحصول عليه قبل تصريفه